

RETTELEIING FOR UTFYLLING AV SØKNAD OM DRIFTSTILSKOT TIL ORGANISERT BEITEBRUK I SOGN OG FJORDANE

Grunnlaget for desse tilskota er fastlagd i Forskrift om tilskot til generelle miljøtiltak for landbruket i Sogn og Fjordane, fastsett av Fylkesmannen i Sogn og Fjordane 3.juni 2015.

1. Opplysningar om laget

- 1.1. Fyll inn kontakt- og adresseopplysningar for laget.
- 1.2. Organisasjonsnummer **må** vera utfyllt og korrekt.
- 1.3. Tilskot vil berre kunne betalast til ein konto som står i laget sitt namn.

2. Beite

- 2.1. Dersom beiteområdet strekkjer seg over fleire kommunar skal kommunen der størstedelen av laget sitt beiteområde ligg førast opp.
- 2.2. NB: Dersom grensene i beiteområdet blir endra, skal dette teiknast inn på eit kart og leggjast ved denne søknaden (kontakt Fylkesmannen for rettleiing).
- 2.3. Oppgje dato for beiteslepp og hovudsanking, og namngje arealet for beiteområdet til laget.

3. Rekneskap

- 3.1. Beitelaga skal føra eigen rekneskap, og disponible midlar for laget per 01.10. i føregåande år og 01.10. i inneverande år skal førast inn her.
- 3.2. Kryss av for eitt av dei tre svaralternativa A, B eller C, og kommenter i ein av svarubrikkane bruken av midlar i laget i søknadsåret. Med omgrepet "søknadsåret" meiner her tidsintervallet mellom 01.10. i føregåande år og 01.10. i inneverande år.

4. Aktivitet i laget

- 4.1. Set inn dato for når årsmøtet vart arrangert.
- 4.2. Skriv kort kva arrangement eller tiltak laget har arrangert, sett i gang eller utretta, og kva laget elles har arbeida med igjennom søknadsåret.

5. Kontrollsummar

Her skal summane frå medlemslista førast inn. Av tap er det berre tap på utmarksbeite som skal førast. Før elles inn tal for sikre og trulege tapsårsaker.

6. Oppsummering

Sjå rettleiing på søknadsskjemaet under punkt 6.

7. Underskrift for laget

Søknaden skal av søkjar skrivast under med stad, dato og signatur.

8. For kommunen

Søknaden skal leverast til kommunen, og punkt 8 skal fyllast ut av kommunen ved handsaming av søknaden.

Utfylling av medlemslista

Medlemmar: Før opp gamle og nye medlemmer med fullt namn og organisasjonsnummer (9 siffer) fortløpande nedover medlemslista. Medlemmar som ikkje er registrerte i Landbruksregisteret, må hjå landbruksforvaltninga i kommunen fylla ut ein *endringsblankett* som skal sendast saman med kopi av søknaden vidare til Fylkesmannen.

Utmelding: Dersom ein medlem går ut av laget, skal vedkommande registrerast med *Sletta* i statusfeltet med 0 i alle etterfylgjande rubrikkar.

Passive medlemmar: Dersom ein medlem for tida ikkje har dyr på utmarksbeite men ynskjer å stå som medlem, skal vedkommande registrerast med *Passiv* i statusfeltet og 0 i alle etterfylgjande rubrikkar.